


故事一百種

蔣相如兩屈秦王

上海大眾書局印行



14

857.61
119.3
14



3 0528 0940 1

藺相如兩屈秦王

話說：戰國時候趙惠文王寵用一個內侍，姓繆名賢，官拜宦


前相如



璧也！楚相昭陽因宴會，偶失此璧，疑張儀偷盜，捶之幾死，張儀因此入秦，後昭陽懸千金之賞，購求此璧，盜者不敢出獻，竟不可得。今日無意中落於君手，此乃無價之寶，須好好收藏，不可輕示於

藺相如兩屈秦王

者令，頗干預政事；忽一日，有外客攜白璧來求售，繆賢愛其玉色光潤，出五百金買之，以示玉工。玉工大驚曰：『此真楚國和氏之



808351

人也。』繆賢曰：『雖然，良玉何以遂爲無價？』玉工曰：『此玉置



暗處自然有光，能却塵埃，辟邪魅，名曰「夜光之璧」。若置之座間，冬月則煖，可以代爐；夏月則涼，百步之內，蠅蚋不入；——有此幾種奇異，他玉不及，所以爲至寶。』繆賢試之，果然；乃製爲寶匣，藏於內筥。早有人報知趙王，言：『繆中侍得和氏璧。』趙王問繆賢取之，賢愛璧不肯卽獻；趙王怒，因出獵之便，突入

賢家，搜其室，得寶匣，取之以去。

繆賢恐趙王治罪誅之，欲出走；其舍人——親近左右之通稱——藺相如，牽衣問曰：『君今何往？』賢曰：『吾將奔燕。』相如曰：『君何以受知於燕王，而輕身往投耶？』繆賢曰：『吾昔年嘗從大王，與燕王相會於境上；燕王私握吾手曰：『願與君結交。以此相知，故欲往之。』相如諫曰：『君誤矣！夫趙強而燕弱，而君得寵於趙王，故燕王欲與君結交；非厚君也，因君以厚於趙王也。今君得罪於王，亡命走燕，燕畏趙王之討，必將束縛君，以媚於趙王，君其危矣！』繆賢曰：『然則如何？』相如曰：『君無他大罪，惟不早獻璧耳！若肉袒叩首請罪，王必赦君。』繆賢從其計，趙王果赦賢，不誅；賢重相如之智，以爲上客。

再說玉工偶至秦國，秦昭襄王使之治玉。玉工因言及和氏之璧，今歸於趙。秦王問：『此璧有甚好處？』玉工如前誇獎。秦王想慕之。甚想一見其璧。時昭襄王之母舅魏冉爲丞相，進曰：『王欲見和璧，何不以西陽十五城換之？』秦王訝曰：『十五城，寡人所惜也。奈何換一璧哉？』魏冉曰：『趙之畏秦久矣，大王若以城換璧，趙不敢不以璧來，來則留之，是換城者名也，得璧者實也。王何患失城乎？』秦王大喜，卽爲書致趙王，命客卿胡傷爲使。書略曰：

「寡人慕『和氏璧』有日矣，未得一見，聞君王得之，寡人不敢輕請，願以西陽十五城奉酬，請君王許之！」

趙王得書，卽召大臣廉頗等商議，欲與秦，恐被其欺，璧去，城

不可得；欲勿與，又恐觸秦之怒。諸大臣或言：『不宜與。』或言：『



士且有智謀；若求使秦，無過此人。』趙王卽命繆賢召蘭相如至，相如拜謁已畢，趙王問曰：『秦王請以十五城換寡人之璧，先生

以爲可許否？相如曰：『秦強趙弱，不可不許。』趙王曰：『倘璧去不可得，如何？』相如對曰：『秦以十五城換璧，價厚矣；如是趙不許璧，其曲在趙。趙不待入城而卽獻璧，禮恭矣；如是而秦不與城，其曲在秦。』趙王曰：『寡人欲求一人使秦，保護此璧，先生能爲寡人一行乎？』相如曰：『大王必無其人，臣願奉璧以往，若城給於趙，臣當以璧留秦；不然，臣請完璧歸趙。』趙王大喜，卽拜相如爲大夫，以璧授之。

相如攜璧西入咸陽，秦昭襄王聞璧至，大喜，坐章臺之上，大集羣臣，宣相如入見。相如留下寶匣，只用錦袱包裹，兩手奉璧，再拜秦王。秦王於是展開錦袱觀看，但見純白無瑕，寶光閃閃，雕鏤之處，天成無縫，眞希世之珍也。秦王飽看了一回，嘖嘖嘆息，因付

左右羣臣，遞相傳示，羣臣看畢，皆羅拜稱：『萬歲！』秦王命內侍

復將錦袱包裹，傳與後宮美人玩之；良久送出，仍歸秦王案上。

蘭相如從傍

伺候良久，並不見說起償城之話；相如心生一計，乃前



奏曰：『此壁有微瑕，臣請爲大王指之。』秦王命左右以璧傳與相如，相如得璧在手，連退數步，靠在殿柱之上，睜開雙目，怒氣勃

勃謂秦王曰：『和氏之璧，天下之至寶也。大王欲得璧，發書至趙，寡君悉召羣臣計議，羣臣皆曰：「秦自負其強，以空言求璧，恐壁往，城不可得，不如勿許。」臣以爲「布衣之交，倘不欺騙，況萬乘之君乎？」奈何以不肖之心待人，而得罪於大王？」於是寡君乃齋戒五日，然後使臣奉璧拜送於廷，敬之至也。今大王見臣，禮節倨傲，坐而受璧，左右傳觀，復使後宮美人玩弄，褻瀆殊甚；因此知大王無償城之意矣，臣所以又取璧也。大王必欲迫臣，臣頭今與璧俱碎於柱，寧死，不使秦得璧！』於是持其璧睨柱，欲撞碎之。秦王惜璧，乃謝曰：『大夫無然，寡人豈敢失信於趙。』即召百官取地圖來，秦王指示，從某處至某處，共十五城與趙，相如心中暗想，此乃秦王欲騙取，非真情。乃謂秦王曰：『寡君不敢愛希世之寶，以』

得罪於大王，故臨遣臣時，齋戒五日，遍召羣臣，拜而遣之。今大王

亦宜齋戒五日，陳設文物，具左右威儀。臣乃敢獻璧。』秦王曰：『諾。』乃命齋戒五日，送相如於公館安歇。

相如抱璧至館，又想到：『我曾在趙王面前誇口：『秦若不與城，願完璧歸趙。』今秦王雖然齋戒，偷得璧之後，仍不與城，何面目回見趙王？』乃命從者穿粗褐衣，裝作貧人模樣，將布袋纏璧於腰，從小路私行。附奏於趙王曰：『臣恐欺趙，無意償城，謹遣從者歸璧大王；臣待罪於秦，死



蔣相如兩屈秦王

不辱命！』趙王曰：『相如果不負所言矣！』

再說：秦王假說齋戒，實未必然。過五日，升殿陳設禮物，令諸侯使者皆會，共觀受璧，欲以誇示列國。使贊禮引趙國使臣上殿，藺相如從容徐步而入，謁見已畢。秦王見相如手中無璧，問曰：『寡人已齋戒五日，敬受「和璧」，今使者不持璧來，何故？』相如奏曰：『秦自穆公以來，共二十餘君，皆以詐術用事，從無信義。臣今者惟恐見欺於王，以負寡君，已令從者懷璧從間道還趙矣。臣當死罪！』秦王怒曰：『使者謂寡人不敬，故寡人齋戒受璧，使者以璧歸趙，是明欺寡人也！』叱左右前縛相如。相如面不改色，奏曰：『大王請息怒，臣有一言：今日之勢，秦強趙衰，但有秦負趙之事，決無趙負秦之理；大王真欲得璧，先割十五城與趙，遣使同臣

往趙取璧。趙豈敢得城而留璧，負不信之名，以得罪於大王哉？臣自知欺大王之罪，罪當萬死；臣已寄奏寡君，不望生還，今諸侯皆知秦以欲璧之故，而誅趙使，曲直有所在矣！秦王與羣臣面面相覷，不能吐一語。諸侯使者傍觀，皆爲相如危懼；左右欲牽相如去，秦王喝住，謂羣臣曰：『卽殺相如，璧未可得；徒負不義之名，絕秦趙之好。』乃厚待相如而歸之。

藺相如旣歸，趙王以爲賢，拜上大夫。——其後秦竟不與趙城，趙亦不與秦璧。秦王心中終不釋然於趙，又遣使約趙王於西河外澠池之地，共會爲好。趙王曰：『昔者秦以會欺楚懷王，拘之咸陽，至今楚人傷心未已；今又來約寡人爲會，得無以懷王相待乎？』廉頗與藺相如計議曰：『王若不行，示秦以弱。』乃共奏曰：

『臣相如，願保駕前往！』臣頗，願輔太子居守！』趙王喜曰：『相如且能完璧，況寡人乎？』平原君趙勝奏曰：『今保駕雖有相如，宜再選精銳卒五千隨從，以防不虞。再用大軍離三十里屯紮，方保萬全。』趙王曰：『五千銳卒，何人爲將？』趙勝對曰：『臣所知田部吏李牧者，眞將才也！』趙王曰：『何以見之？』趙勝對曰：『李牧爲田部吏，取租稅，臣家過期不納，牧以法治之，殺臣司事者九人，臣怒責之，牧謂臣曰：『一國之所恃者，法也；今縱君家而不奉公，則法削，法削則國弱，而諸侯加兵。趙且不保其國，君安得保其家乎？』以君之貴，奉公如法，法立而國強，長保富貴，豈不善耶？』此其識慮非常，臣是以知其可將也。』趙王卽用李牧爲中軍大夫，使其領精兵五千隨從同行，平原君以大軍繼之。廉頗直送至境上，謂趙

王曰：『王入虎狼之秦，其事誠不測！今與王約計往來道路，與會遇之禮畢爲期，不過三十日耳，若過期不歸，臣請照楚國故事，立太子爲王，以絕秦人之望。』趙王許諾。遂至澠池，秦王亦到，各歸館驛。

至期，兩王以禮相見，置酒爲歡，飲至半酣，秦王曰：『寡人聞趙王善於音樂，寡人有寶瑟在此，請趙王奏之。』趙王面赤，然不敢辭，秦侍者將寶瑟進于趙王之前，趙王爲奏湘靈一曲，秦王稱善不已。奏畢，秦王曰：『寡人嘗聞趙之始祖烈侯好音，君王真得家傳矣！』乃願左右召御史使記其事。秦御史執筆書曰：『某年月日，秦王與趙王會於澠池，令趙王鼓瑟。』藺相如前進曰：『趙王聞秦王善於秦聲，臣謹奉盆缶請秦王擊之，以相娛樂，秦王怒，

變色不應，相如卽取盛酒瓦器，跪請於秦王之前。秦王不肯擊，相



如曰：『大王恃秦之強乎？今五步之內，相如得以頸血濺大王矣！』左右曰：『相如無禮！』欲前執之。相如張目叱之，鬚髮皆張；左右大駭，不覺倒退數步。秦王意不悅，然心畏相如，勉強擊缶一聲；相如方起，召趙御史書之曰：『某年月日，趙王與秦王會於澠池，令秦王擊缶。』秦諸臣意不平，當筵而立，請於趙王曰：『今日趙王惠顧，請王割十五城爲秦王壽！』

『相如亦請於秦王曰：『禮尚往來。趙既進十五城以秦，秦不可不報；願以秦之咸陽爲趙王壽。』』秦王曰：『吾兩君爲好，諸君不必多言。』乃命左右，更進酒獻酬，假意盡歡而罷。秦客卿胡傷：『等密勸拘留趙王及藺相如，秦王曰：『聞趙設備甚密，萬一其事不濟，爲天下笑。』乃益敬重趙王，約爲兄弟，永不侵伐，使太子安國君之子，名異人者，爲質於趙。羣臣皆曰：『約好足矣，何必送質？』』秦王笑曰：『趙方強，未可圖也；不送質，則趙不相信。趙信我，其好益堅，我乃得專事於韓矣！』羣臣乃服。


趙王辭秦王而歸，恰三十日，趙王曰：『寡人得藺相如，身安於泰山，國重於九鼎，相如功最大，羣臣莫及。』乃拜上相，班位在廉頗之上；廉頗怒曰：『吾有攻城野戰之大功，相如徒以口舌微

勞，位居吾上。——且彼乃宦者舍人，出身微賤，吾豈甘心居其下乎？今見相如必擊殺之！」相如聞廉頗之言，每遇公朝，托病不往，不肯與廉頗會；相如舍人俱以相如爲怯，私非議之。偶一日，蘭相如出外，廉頗亦出；相如望見廉頗前導，忙使御者引車避匿，傍巷中去。俟廉頗車過方出。舍人等愈忿，相約同見相如，諫曰：「臣等拋井里，棄親戚，來君之門下者，因君爲一時之丈夫，故相慕悅而從之。今君與廉將軍同列。——班位在其上。廉君口出惡言，君不能報；避之於朝，又避之於車，何畏之甚耶？臣等甚爲君羞之！請辭去。」相如固止之曰：「吾所以避廉將軍者有故，諸君自不察耳！」舍人等曰：「臣等淺近無知，乞君明言其故。」相如曰：「諸君視廉將軍，孰如秦王？」諸舍人皆曰：「不如也！」相如曰：「夫以

秦王之威，天下莫敢抗，而相如廷叱之，辱其羣臣；相如雖無能，獨畏一廉將軍乎？顧吾念之，強秦所以不敢加兵於趙者，因吾二人在朝也。今兩虎共鬪，勢不俱生，秦人聞之，必乘機侵趙。吾所以退避者，國計爲重，而私讎爲輕也！舍人等乃嘆服。

不久，藺氏之舍人，與廉氏之客，一日在酒店中，不期而遇，兩下爲坐。藺氏舍人曰：『吾主君因國家之故，讓廉將軍，吾等亦宜體主君之意，讓廉氏客。』——於是廉頗益驕。

時河東人虞卿遊趙，聞藺氏舍人述相如之語，乃說趙王曰：『王今日之重臣，非藺相如廉頗乎？』王曰：『然。』虞卿曰：『臣聞前代之臣，同寅協恭，以治其國；今大王所恃重臣二人，而使自相水火，非國家之福也；夫藺氏愈讓，而廉氏不能諒其情，廉氏愈



驕，而藺氏不敢折其氣。在朝則有事不共議，爲將則有急不相恤。臣竊爲大王憂之！臣請合廉藺之交，同輔助大王也。」趙王曰：「善。」虞卿往見廉頗，先頌其功，廉頗大喜。虞卿曰：「論戰功則無如將軍矣。論度量則還推藺君。」廉頗不悅曰：「彼懦夫以口舌取功名！何度量之有哉？」虞卿曰：「藺君非懦士也，其所見者大。」因述相如對舍人之言，且曰：「將軍不欲托身於趙則已，若欲托身於趙，而兩大臣一讓一爭，恐盛名之歸，不在將軍矣。」廉頗大慚曰：「非先生言，吾不

聞過，吾不及藺君遠矣！』因使虞卿先道意於相如，頗肉袒負荊，自至藺氏之門，謝曰：『鄙人志量淺狹，不知相國能寬容至此，死不足贖罪矣！』因長跪庭中。相如趨出引起曰：『吾二人共事一主，爲社稷臣，將軍能見諒，亦已幸甚，何勞謝爲！』廉頗曰：『鄙性麤暴，蒙君見容，慚愧無地！』因相持泣下，相如亦泣。廉頗曰：『從今願結爲生死之交，雖刎頸不變！』頗先下拜，相如答拜，因置酒款待，盡歡而罷。

王 人 路 編

書

叢

童

兒

最近出版

- | | | | |
|-------|----|--------|------|
| ▲兒童詩歌 | 八册 | 定價每册一角 | (七折) |
| ▲兒童故事 | 五册 | 定價每册七分 | (七折) |
| ▲兒童笑話 | 三册 | 定價每册七分 | (七折) |
| ▲兒童劇本 | 一册 | 定價大洋七分 | (七折) |
| ▲兒童寓意 | 二册 | 定價每册七分 | (七折) |
| ▲兒童小說 | 一册 | 定價大洋七分 | (七折) |

編制新穎
文字淺顯
不背潮流
小冊裝訂
取材謹嚴
圖畫活潑
迎合環境
攜帶便利

上海大眾書局發行

各省各大埠均有代售



7.61
9.3
74